

Uunga siunnersuut: Oqaasiliortut pillugit Inatsisartut inatsisaat nr. xx, xx. xxx 2017-imeersoq.

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisumit saqqummiunneqartoq

Pillugu

Ilinniartitaanermut, kultureqarnermut, Ilisimatusarnermullu Ilageeqarnermullu Ataatsimiititaliap

ISUMALIUTISSIISSUTAA

Siunnersuutip aappassaneerpeqarnerani saqqummiunneqartoq

Kultureqarnermut, Ilinniartitaanermut, Ilisimatusarnermut, Ilageeqarnermullu Ataatsimiititaliaq kingullermik suliarinninnermini ukuninnga inuttaqarpoq:

Inatsisartunut ilaasortaq Mimi Karlsen, Inuit Ataqtigiit, Siulittaasoq
Inatsisartunut ilaasortaq Vivian Motzfeldt, Siumut, Siulittaasup tullia
Inatsisartunut ilaasortaq Laura Táunâjik, Siumut
Inatsisartunut ilaasortaq Peter Olsen, Inuit Ataqtigiit
Inatsisartunut ilaasortaq Henrik Fleischer, Partii Naleraq

UPA 2017-mi ulloq 20. april 2017 siunnersuutip oqallisigineqareernerata kingorna siunnersuut ataatsimiititaliamut misissorneqarpoq.

1. Siunnersuutip imarisaa tunuliaqutaalu

Inatsisip atuuttup maannakkumut naleqqiullugu aamma siunissami pisariaqartikkumaakkat kiisalu malittarisassat ersernerluttut nutarterneqarnissaat siunertaralugu siunnersuut manna saqqummiunneqarpoq.

Oqaatsinut nutaanut, ilutsinut oqariartaatsinullu oqaasiliortut akuersinissamut piginnaatitaaneri siunnersuut manna aqqutigalugu allanngortinneqassapput. Tassa oqaasiliortut kalaallit oqaasiisa ineriartornerat siunnerfilimmik malinnaaffigissavaat, tamatumunnga ilanngullugit oqaatsinik, ilutsinik oqariartaatsinik, oqaasersianillu nutaanik katersineq nalunaarsuinerlu suliarissallugit. Oqaatsit ineriartortuarneri pissutaallutik oqaatsit nutaat pilersinneqarnerisigut atuutilernerisigullu akuersisummik pissarsiniaqqaartarnissaq pissusissamisoortut isigineqarunnaarsimammat tungavilersuutigineqarpoq. Taamaaliornikkut oqaatsit taakku oqaatsinut ilaalissapput.

Taamaattorli oqaasiliortut oqaatsit ilinniarsimasanut tunngasut suli akuersissutigisassavaat, suliffinni aalajangersimasuni oqaatsit oqariartaatsillu atorneqartut ilanngullugit. Assigiimmik akuerisaasumillu oqaatsit atorneqarnissaat qulakkeerniarlugu oqaatsinik suliffeqarfinnut tunngasunik akuersisarnissaq pisassaaq pineqartunut ilisimasallit inassuteqarnerisigut. Tamatuma qulakkiissavaa nunatsinni oqaatsit atorneqartut assigiinnissaat aammalu oqaatsit sulianut ataasiakkaanut tunngasut pillugit tamatumuuna nalorsarnerit paatsuineritllu minnerpaaffissaminiitinneqarnissaat qulakkeerneqassalluni.

Tamatuma saniatigut oqaasiliortut siunnerfilimmik oqaatsinik avataanersunik akuerineqarsinnaasunillu kalaallisut taaguusersuisassapput, tassa oqaatsit taartaasartut.

Tamatuma saniatigut siunnersuummi aalajangersarneqarpoq, oqaasiliortut allattaatsimut aqqutissiuussinissanut pingaarnertut tunngaviliortarnissaannik. Tamatumunnga tunngatillugu tassani kalaallisut allattariarsornermi isumasiuinermik siunnersuummik imaqarnera nutaajuvoq, tassa allattaatsimut ussersornermut, kiisalu kalaallit oqaasiinik taaguutaanillu naalisaanermi malittarisassanik imaqarnera nutaajulluni.

Siunnersuummi aamma ilanngunneqarpoq - kalaallit nunaanni nunat aqqinik aalajangiisartut siunersioreernerisigut oqaasiliortut tunngaviatigut nunat aqqisa allanneqartarnissaannik aalajangiisarnissaat. Nunat aqqinik aalajangiiniarnermi piginnaatitaanerup nalinginnaasumik kalaallisut allattaatsimut naleqqutuusinnaannginneranik tamanna tunngaveqarsinnaavoq, assersuutigalugu nunap aqqinut sumiorpaaluutsinik tunngaveqartunik atsiisoqarsinnaammat. Nunap aqqinik aalajangiisartut nalilerpassuk nunap aqqata sumiorpaaluutsimik tunngaveqartumik atserneqarnissaa, tamanna oqaasilerisunut akuersissutigineqartussanngorlugu saqqummiunneqassaaq.

Taamatuttaaq pisortani suliffeqarfiit tamarmik kalaallisut allattaatsip, oqaatsinut taartaasartunik kiisalu oqaatsit suliffeqarfinni atorneqartut malinneqarnissaannik siunnersuut ilaqarpoq. Taamaattumik siunnersuut oqaatsinik allattaatsimillu assigiimmik atuinissamut qulakkeerineqataavoq tamatumalu nassatarissavaa pisortanit inuttaasunut saaffiginnitanerit ersarinnerulernissaat.

Oqaasiliortut katitigaanerannut tunngatillugu, nutaatut ilanngunneqarpoq siunnersuummi piumasaqaataalermat oqaasiliortunut ilaasortassanik toqqaaniarnermi piginnaasatigut piumasaqaateqartoqarnissaa, minnerpaamik ilaasortap ataatsip oqalutsitut nutserisutulluunniit piginnaasaqartuunissaanik piumasaqaat tamatumunnga ilanngullugu.

2. Siunnersuutip ataatsimiititaliamit suliarineqarnera

Ulloq 27. april 2017 Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisumit inatsisissaq pillugu misissuineramik ataatsimiititaliaq tigusaqarpoq.

Misissuinermi ilaatigut ataatsimiititaliamut nassuiaatigineqarpoq siunissami oqaatsit suut akuerineqartassanersut aamma akuerineqartassannginnersut. Tassunga atatillugu ataatsimiititaliaq ima oqaaseqaateqassaaq:

Suliaqarfinni taaguutit kalaallisut nutaanik taaguusersorneqarnissaannik ineriartortitsineramik suliassaq aallartinneqartinnagu suliaqarfinnut taaguutit oqariaatsillu nutserneqarnissaannik inuttaasut suliampilu ingerlatsisut pisariaqartitsinerat suliamik ingerlatsisunit nalilersorneqaqqaartassasoq ataatsimiititaliamit kaammattuutigineqassaaq. Tamatumani oqaatsit il.il. atuutereersut nutserneqartarnissaat naleqquttuunersoq ilaatigut nalilersorneqaqqullugu.

Inatsisissatut siunnersuummut uunga ataatsimiititaliaq allanik oqaasissaqanngilaq, inatsisissatullu siunnersuut akuerineqassappat inatsit tunngavigalugu suliaqarneq malinnaaffigilersaarlugu.

3. Ataatsimiititaliap inassuteqaataa

Siunnersuut ilusimisut iluseqartoq **akuerineqassasoq** ataatsimiititaliap **isumaqatigiittup** inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaanniingassanngortippaa.




Mimi Karlsen

Siulittaasoq




Vivian Motzfeldt

Siulittaasup tullia



Laura Táunâjik



Peter Olsen



Henrik Fleischer